

¿Cal é o calendario de solicitude e matrícula?

SOLICITUDES DE PRAZA

As/os interesadas/os deberán solicitar praza a través do Formulario de Solicitud dispoñible na páxina web www.escolasvigo.org/reim.

SOLICITUDE PRESENCIAL: Unha vez cuberto o Formulario de Solicitud seguindo as instrucións que se indican na web www.escolasvigo.org/reim, deberase imprimir o documento resultante e, xunto coa documentación requirida, presentarse no **Rexistro Xeral do Concello de Vigo** ou en calquera dos lugares establecidos no art. 16.4 da Lei 39/2015 do 1 de outubro do procedemento administrativo común das administracións públicas.

SOLICITUDE TELEMÁTICA: Unha vez cuberto o Formulario de Solicitud seguindo as instrucións que se indican na web www.escolasvigo.org/reim, deberase elixir, na sede electrónica do Concello de Vigo, o procedemento "Solicitud de escolas infantís", onde haberá que incorporar o arquivo resultante do proceso anterior (Formulario de Solicitud) e pulsar tramitar; poderase descargar entón o xustificante do Rexistro.

O prazo de presentación de solicitudes establécese do 11 ao 27 de marzo de 2019

LISTAS PROVISIONAIS

Unha vez realizada a baremación farase pública a relación provisional de admisións e lista de agarda, coas puntuacións obtidas, na páxina web www.escolasvigo.org/reim e nas respectivas Escolas Infantís Municipais, o día **13 de maio de 2019**. As/os solicitantes poderán efectuar as reclamacións que consideren oportunas, no prazo de dez días naturais desde a data de publicación da lista de admisións provisional.

LISTAS DEFINITIVAS

Unha vez comprobadas as posibles reclamacións, éstas consideraranse resoltas coa publicación da relación definitiva da admisión e lista de agarda que se farán públicas na páxina web www.escolasvigo.org/reim e nas respectivas Escolas Infantís Municipais, partir do día **7 de xuño de 2019**.

FORMALIZACIÓN DE MATRÍCULA

As familias de nenas/os admitidas/os formalizarán a reserva de praza na escola onde obtivesen a praza, presentando o impreso de aceptación de praza (Anexo 2) debidamente cuberto e, de selo caso, presentando copia do xustificante de pagamento da matrícula correspondente, en caso contrario perderá automaticamente o dereito á praza. A formalización da matrícula no prazo sinalado é imprescindible para confirmar a praza. Se non se realiza a matrícula da/o nena/o no prazo sinalado, considérase decaída/o na súa solicitude.

O prazo para formalizar a matrícula comprenderá dende o 10 ao 21 de xuño de 2019.

¿Onde tes que dirixirte?

Para a información adicional debes contactar:

✓ **Con calquera das escolas infantís municipais**

✓ **Co Servizo Municipal de Educación**

Praza do Rei s/n, 1-11º andar
36202 Vigo

Teléfono

986 81 01 81

E-mail

eim@vigo.org

✓ **Páxina web**

www.escolasvigo.org/reim

O contido deste tríptico ten carácter meramente informativo polo que cómpre remitirse ao recollido nas "Normas para a adxudicación de prazas e matrícula nas Escolas Infantís Municipais 0-3 para o curso 2019/2020", expostas na páxina web, nas EIM e no Servizo Municipal de Educación.

CONCELLERÍA
DE
EDUCACIÓN

CONCELLO
DE VIGO



CONCELLERÍA
DE
EDUCACIÓN

CONCELLO
DE VIGO



¿Que escolas integran a rede de EIM?

EIM Santa Cristina · Lavadores

Rúa Santa Cristina nº 1 · 36214 Vigo
986 28 07 32 · ei.santacristina@vigo.org

EIM Atalaia · Teis

Avda. Dña. Fermina nº 9 · 36207 Vigo
986 37 65 03 · ei.atalaia@vigo.org

EIM Santa Marta · Casco Vello

Rúa Santa Marta nº 38 interior · 36202 Vigo
986 44 21 53 · ei.santamarta@vigo.org

EIM Costeira · Saiáns

Baixada á Praia nº 83 · 36392 Vigo
986 49 86 77 · ei.costeira@vigo.org

EIM Tomás Alonso

Rúa Tomás A. Alonso nº 78 · 36208 Vigo
986 29 12 06 · ei.tomasalonso@vigo.org

EIM Bouzas

Rúa Casiano Martínez nº 18 · 36208 Vigo
986 24 65 50 · ei.bouzas@vigo.org

EIM Mestres Goldar · Castrelos

Rúa Mestres Goldar nº 22 · 36213 Vigo
986 23 96 44 · ei.castrelos@vigo.org

EIM Navia

Rúa da Pedra Seixa nº 37 · 36212 Vigo
986 68 78 22 · ei.navia@vigo.org

¿Cales son os requisitos para poder acceder a unha praza nas EIM?

- ✓ Que o neno ou nena estea empadronado en Vigo
- ✓ Idade do neno/a
 - Ter unha idade mínima de tres meses na data de ingreso.
 - Non ter cumpridos 3 anos o 31 de decembro de 2019.

Con carácter extraordinario, permitírase solicitar praza para nenos/as non nados, cuxo nacemento estea previsto para antes do **5 de xuño de 2019**, data tope de nacemento para a súa posible admisión, e sempre que presenten a solicitude de praza dentro dos prazos previstos nesta Norma.

Crterios de prioridade

Reserva de praza - Teñen preferencia as reservas de praza de nenos/as matriculados/as no curso 2018/2019, sempre que reúnan os requisitos establecidos nestas Normas e soliciten a reserva na mesma quenda.

As familias que xustifiquen un cambio de domicilio, poderán reservar praza noutra escola da REIM, sempre e cando existan prazas suficientes logo de rematado o proceso de renovación de praza do alumnado da propia escola.

Novo ingreso - Pódese solicitar praza en calquera das escolas da REIM de Vigo. Os/As solicitantes deberán, se é o caso, marcar por orde de preferencia dúas opcións como máximo. No caso de marcar máis dunha escola, só poderá facerse na mesma quenda en todas elas.

As solicitudes seguirán a seguinte orde:

- Os/as fillos/as do persoal da REIM, cando soliciten a praza no centro onde presta servizo a/o nai, pai, titora ou titor legal.
- Os/as irmáns/ás de alumno/a con praza, renovada ou de novo ingreso na EIM para a que solicitan praza.

As prazas que queden vacantes adxudícaranse aos/ás solicitantes segundo a puntuación obtida por aplicación do baremo que figura no Anexo 1 das Normas para a adxudicación de prazas nas escolas infantís municipais para o curso 2019/2020. Esta puntuación determinará a orde de prelación na adxudicación das prazas para calquera das dúas opcións solicitadas, así como para a lista de espera resultante.

Solicitudes fóra de prazo - Unha vez rematado o prazo de matrícula e asignadas as vacantes, o período de solicitude permanecerá aberto, de xeito extraordinario e con carácter xeral, a partir do mes de setembro e ata o mes de decembro, ampliable ata o mes de febreiro de 2020, só para nens e nenas nados no ano 2019 e no caso de existiren prazas dispoñibles na aula e na escola onde se solicita a praza.

Documentación

As solicitudes de **novo ingreso** terán que presentarse acompañadas da seguinte documentación:

- ✓ Fotocopia simple do documento nacional de identidade (DNI) ou doutro documento acreditativo da identidade da/do nai/pai ou representantes legais, segundo proceda.
- ✓ Fotocopia do libro de familia completo ou, no seu defecto, outro documento que acredite oficialmente a situación familiar.
- ✓ Vida laboral actualizada da nai e do pai ou representantes legais.

Xustificación situación laboral

Só para familias que necesiten xustificar situacións laborais diferentes ou recentes:

No caso de persoas traballadoras, por conta allea, en situación de alta recente:

- Copia de dúas últimas nóminas

No caso de persoas desempregadas, deberán presentar:

- Certificación do INEM que acredite se é beneficiario/a ou non da prestación de desemprego.

No caso de solicitantes que perciban Risga:

- Certificación acreditativa

Naqueles casos nos que, por distintas razóns, non se poidan acreditar as rendas das/os nais/pais por falta de acreditación documental, será preciso un informe dos Servizos sociais.

Xustificación situación socio-familiar

Só para as familias que necesiten xustificar incidencias familiares, económicas e sociais puntuables no baremo:

Acreditación da condición de familia numerosa:

- Fotocopia do Título de familia numerosa.

Acreditación da condición de familia monoparental:

- Sentenza de separación ou divorcio, convenio regulador ou resolución xudicial de medidas paterno-filiais.
- Certificado administrativo de monoparentalidade expedido pola Comunidade Autónoma

Acreditación da condición de minusvalía:

- Certificado do recoñecemento do grao de discapacidade e/ou dependencia da/do nai, pai, titora ou titor legal e/ou outros membros da unidade familiar.
- Grado de discapacidade e/ou dependencia do/da neno/a para quen se solicita praza.

A falta de presentación dalgún destes documentos dentro do prazo de solicitude establecido, suporá a renuncia implícita á súa valoración no epígrafe "situación socio-familiar" do baremo que se recolle o Anexo 1.

Baremo

BAREMO DE APLICACIÓN	PUNTOS
Situación Económica (RPC mensual da unidade familiar referida ao IPREM vixente) (o IPREM anual para 2019 é de 7.519,59 €/ano)	
Inferior ao 30% do IPREM	4
Entre o 30% e o 50% do IPREM	3
Entre o 50% e o 75% do IPREM	2
Entre o 75% e o 100% do IPREM	1
Entre o 100% e o 125% do IPREM	-1
Entre o 125% e o 150% do IPREM	-2
Entre o 150% e o 200% do IPREM	-3
Superior ao 200% do IPREM	-4
Situación Laboral (só se poderá obter puntuación por un dos epígrafes seguintes)	
Situación laboral de ocupación: Nai Pai Nas familias monoparentais, esta puntuación asimilase á formada por dous membros	7 7
Situación laboral de desemprego: Nai Pai Nas familias monoparentais, esta puntuación asimilase á formada por dous membros	2 2
Persoas que desenvolvan e perciban o tramo de inserción (Risga) Nai Pai Nas familias monoparentais, esta puntuación asimilase á formada por dous membros	3 3
Situación Socio-Familiar	
Por cada membro da unidade familiar	2
Por cada persoa que, non formando parte da unidade familiar, estea a cargo desta	1
No caso de que a/o nena/o para a/o que se solicita praza nacesen nun parto múltiple	1
Por cada membro da unidade familiar, afectado por discapacidade, enfermidade que requira internamento periódico, alcoholismo ou drogodependencia	2
Por condición de familia monoparental	3
Por condición de familia numerosa	3
Por ausencia do fogar familiar de ambos os dous membros parentais	6
Outras circunstancias familiares debidamente acreditadas	Ata 3

Horario - Calendario - Prezos

Horario

As EIM, con carácter xeral, dispoñen dun horario continuo de 07.30 h a 20.00 h, dende o mes de setembro e ata o mes de xullo, ambos inclusive. Dentro deste horario os/as cativos/as permanecerán un mínimo de 4 h e un máximo de 8 h diarias.

As/os usuarias/os dentro do horario de apertura do centro terán que optar polos seguintes quendas tendo en conta as horas máximas e mínimas permitidas:

Mañá 07:30 a 15:45 h.	Tarde 16:00 a 20:00 h.
Continuo* 09:00 a 17:00 h. ou de 10:00 a 18:00 h.	

(*) Só dispoñible para a EIM Costeira-Saiáns

Para posibilitar a boa marcha das escolas:

A entrada pola mañá realizarase entre as 07:30 e as 09:00 h. A saída do centro para a quenda de mañá será entre as 15:30 e as 15:45 h.

Na EIM Costeira-Saiáns a hora de entrada prolongarase ata as 10:00 h.

A entrada pola tarde será as 16:00 h.

A saída do centro para a quenda da tarde será entre as 19:45 e as 20:00 h.

A quenda de mañá inclúe o servizo de comedor e a quenda de tarde o servizo de merenda.

Calendario

As escolas permanecerán abertas de luns a venres, excluídos os días considerados festivos no calendario laboral e as festas laborais de carácter local, así como o Día do Ensino e os días 24 e 31 de decembro.

O curso escolar comezará o día **5 de setembro de 2019**.

Prezos

Para o curso 2019-2020 son os seguintes: (Ordenanza nº 23 ano 2019)

Renda per cápita mensual (*)	Matrícula	Mensualidade
Ata 327,83€	Exento/a	Exento/a
Ata 512,91€ familias numerosas	Exento/a	Exento/a
Entre 327,83 e 391,00€	49,6	49,6
Entre 391,01 e 461,00€	74,4	74,4
Entre 461,01 e 534,00€	99,2	99,2
Mayor de 534,01€	124	124